

Utoqqaat pillugit Siunnersuisooqatigiit ataatsimiinnerannit imaqarniliaq

Marlunngorneq ulloq 24. novembari 2020 nal. 13-15

Sumi: Ataatsimiittarfik 6, Kommuneqarfiup Allaffia, quleriinni alleq, Kuussuaq 2

Peqataasut:

Laannguaq Lyngø, siulittaasoq (LAL)

Søren Joelsen, siulittaasup tullia (SØJ)

Bodil Karlshøj Poulsen, ilaasortaq (BKP)

Loritha Henriksen, ilaasortaq (LOH)

Runa Sværd, pilersaarusiordermi pisortaagallartoq

Isabella Schluchtmann, Utoqqaat pillugit immikkoortortami aqutsisoq

Kasper K Jensen, ac-fuldmægtig – imaqarniliortoq

Digitaliseriineri Aqutsisoqarfimmit pulaartut

Kristina Langwadt

Josefine Asta Pedersen

Peqataasinnaanatik nalunaartut:

Jonas Napaattoq, ilaasortaq (JON) - oqarasuaatikkut

Arnannnguaq H. Christensen, Utoqqaat pillugit immikkoortortaqarfimmi fagcheffi

Rasmus Hansen, sanarfinermut pisortaagallartoq

- 1. Siulittaasumit Laannguaq Lyngømit tikilluaqqusineq oqaluuserisassanillu akuersissuteqarneq**
- 2. Kingullermik ataatsimiinnermit imaqarniliap akuersissutigineqarnera – ulloq 3. septembari 2020**

Akuerineqarpoq (ataatsimiinneq sioqqullugu akuerineqarpoq).

- 3. Ilisimatitseqatigiinneq**

Suliffeqarnermut Isumaginninnermullu Ingerlatsivik


Isabella Schluchtmann Utoqqaat pillugit immikkoortortaqarfimmi aqutsisutut imminut ilisaritippoq.

Utoqqaat pillugit Siunnersuisooqatigiit

Innuttaasoq Utoqqaat Illersuisuata atuuffia pillugu Utoqqaat pillugit Siunnersuisooqatigiivinit saaffiginnippoq. Utoqqaat pillugit Siunnersuisooqatigiit akisussaaffiisa avataaniimmat Utoqqaat pillugit Siunnersuisooqatigiit saaffiginnissut tunngavigalugu iliuseqanngillat.

- 4. 2021-mi utoqqarnut tunngasuni sanaartornermik pilersaarutininik saqqummiineq, pilersaarusiordermut pisortaagallartoq Runa Sværdimit**

Suliniutit illoqarfikkuutaarlugit agguataakkat



Tasiilaq

Matumani peqqissaavimmut atatillugu nutaamik utoqqaat illuanik pilersitsinissaq pilersaarutaavoq. Iluseq Paamiuni utoqqaat illuanit peqqissaavimmillu isumassarsiaavoq, taakkumi imminnut uiguleriipput.

Ittoqqortoormiit

Ittoqqortoormiini nutaamik utoqqaat najugaqatigiiffianik pilersitsinissamut pilersaarut naammasseriigaq pigineqarpoq. Pilersaarulli uninngatinneqarallarpoq. Init pioreersut nutarsarneqarnissaat kiisalu init 4-5-inik amerlinissaat pilersaarutaavoq.

Utoqqaat najugaqatigiiffiata sanaartorneqarnissaanut piffissamut periarfissarittinneqartoq tassaavoq ukioq 2022. Ittoqqortoormiinit atortussat assartornissaanut periarfissaq sivikimmat ukioq 2021 periarfissaanngilaq.

Paamiut

Utoqqaat pillugit immikkoortortami sanaartornissamut pilersaaruteqartoqanngilaq. Atugassarititaasut pitsaasuupput, ilaatigut 2019-imi nutaamik utoqqaat illuanik pilersitsisoqarpoq.

Nuuk

Utoqqaat illui pioreersut allallu utoqqarnut naatsorsuussat aserfallatsaaliorneqarnissaat pingaartinneqarpoq.


Ukiuni 2023/2024-mi Nuummi illoqarfiup qeqqani atuarfik nutaaq ammaanersiorneqassaaq, tamannalu pillugu Atuarfik Samuel Kleinschmidt isaterneqassagunarpoq. Sumiiffimmi nunaminertaq atorneqarunnaartussaq utoqqaat illussaatur piukkunnassaaq.

Inissiat utoqqarnut naleqqussakkat - inissisimaffissaat pingaartinneqartullu

Inissianut utoqqarnut naleqqussakkanut piumasaqaatit

Sanarfinermut Avatangiisinullu Ingerlatsivik namminersortunit aningaasaliissuteqartartunit saqqummiunneqartartut akulikitsumik isummorsorfigisarpaat. Namminersorlutik aningaasaliisartut tunngaviummik kvadratmeterimut inissianik amerlanerpaanik sanaartornissaq anguniartarpaat. Innutaasut qanimut isumaat paasiniallugit kommunip suut inissianik utoqqarnut naleqqussakkanik pilerinartitsisuusarnersut pillugit Utoqqaat pillugit Siunnersuisooqatigiivisa isumaat paaserusuppaa?

- Isikkivik utoqqarnut pingaartuuvoq.
- Pitsaasumik inissisimaneq, qitiusumik atugassarititaasut/atuuffiit, soorlu pisiniarnissamut, sammisaqarnissamut qanittut il.il.
 - o Utoqqaat ilaannut peqqinnissaqarfik qanillugu najugaqarnissaq aamma pilerinarsinnaavoq.
- Pisuttartunut/issiavimmik kaassuartakkamik atuisartunut attaveqaatit naleqquttut.
 - o Utoqqaat amerligaluttuinnartut pitsorluttuupput.
- Utoqqaat ulluinnarni sammisassanut qanittumi najugaqarnissaat pingaaruteqarpoq. Utoqqaat kiserliorlutik inuunissaminnut qanikkajuttarput.
- Inissiamut inissiamiillu kiisalu inissiap ilua inissaqarluartoq.
 - o Issiavinnut kaassuartakkanut, pisuutitut, angerlarsimaffimmi ikiortitut/paaqqutarinninnermut kiisalu siniffimmut pitsaasumut inissaqassaaq.
 - o Matut silittuussapput.



- Aqqusinermit inissiamut majorallaffik naammattumik silissuseqassaaq aamma sivingavallaassanngilaq.
- Assersuutigalugu utoqqaat ilaquuttaminnik kammalaatiminnillu pulaartoqarsinnaaniassammata inissiap inissaqarluarnissaa pingaaruteqarpoq.
- Inissiat utoqqarnut tulluarsakkat arlalinnik quleriillit elevatoreqassapput.

Inissiat inissisimanagerat

Namminersortut aningaasaliisartut aningaasaliisarnerit aquttarpat, taamaattumillu sumi sanaartussanerlutik namminneq aalajangertarpat (soorunami kommunimi pilersaarutip/illoqarfimmu pilersaarutip iluani sumiiffimmi pineqartumi). Najugaqartut assigiinngitsuunissaat kommunimit kissaatigineqarpoq, anguniakkallu piviusunngortinnissaanut namminersortut aningaasaliisartut kommunimit pinngitsoorneqarsinnaanngillat.

Qinngutsinni utoqqarnut inissiat

Qinngutsinni najugaqarnissamut utoqqaat soqutiginnissasut Utoqqaat pillugit Siunnersuisooqatigiit isumaqarput, taamaalillutimmi utoqqaat meeqqatik ernguttatillu qanissagalarpat. Utoqqaat pillugit Siunnersuisooqatigiit Qinngutsinni utoqqaat inissiaanut pilersaarut taamaatiinnarneqarsimasoq uggoraat.

Sanarfinermut Avatangiisinullu Ingerlatsivimmit Qinngutsinni utoqqarnut inissiaqarnissaa naleqquttuussasoq isumaqataaffigineqarpoq.

Tuujummi inissiat (Ceresvejimi inissiat nutaat)

Tuujummi inissiat utoqqarnit orniginartinneqarput. Tamanna pillugu Tuujummi inissianik amerlanernik pissarsinissaq anguniarlugu kommunimit Iserit suleqatigineqarpoq.

Ilinniarnertuunngorniarfiup akiani

Ilinniarnertuunngorniarfiup akiani illup inissisimaffia utoqqarnut inissianut naleqquttuuvoq. Illu isateriaannaavoq, taamaattorli Namminersorlutik Oqartussanit pigineqarpoq. Kommunip illuutaanut, soorlu utoqqaat pillugit immikkoortortamut, inissisimaffiit pilerinarsinnaasut Sanarfinermut Avatangiisinullu Ingerlatsivimmit eqqumaffigineqartartut matumani una assersuutaavoq.


Kommunimi immikkoortut pingartinneqartut

Sanarfinermut Avatangiisinullu Ingerlatsiviup pisuinnartunut - aamma pitsorluttunut - naleqquttunik amerlanernik aqqutissianik pilersitsinissaq anguniarneqarpoq.

Kommune utoqqarnut inissiat suunersut pillugit Iserit oqaloqatigaa. Fiskerbymi inissiat (Adolf Jensens vej) ilaat utoqqarnut naleqquttuunngillat, Fiskerbyp tungaanut qattuneq qummut sivingammat. Taamaattumik Fiskerbymi inissiat utoqqarnut naleqquttut atorunnaarsinneqarnissaat taarsiullugulu Tuujummi inissianik taarserneqarnissaat pilersaarutaavoq.

Utoqqarnut naleqqussakkanik inissianut utaqqisunut allattorsimaffik:

Kommune inissianik tunioraannikkaangat utaqqisunut allattorsimaffimmi utaqqisut amerliartortarput. Inissiat utoqqarnut innarluutilinnullu naleqqussakkat immikkoortinneqarnissaat Iseritimit sulissutigineqarpoq, taamaalilluni inissiat utoqqarnut naleqqussakkat amerliartuaarniassammata. Kommunimit inuiaqatigiit agguataarnerata ineriartornera pillugu



utoqqarnut inissianik pisariaqartitsineq annertusiartortoq eqqumaffigineqarpoq, unamminarsinnaasorlu qaangerniarlugu kommune, kommunip iluani avataaneersunillu, suleqateqarpoq.

Ataatsimut isigalugu utoqqarnut inissianut tunngatillugu suliaqarnermut, tusarniaanerit siunnersuutillu pillugit, Utoqqaat pillugit Siunnersuisooqatigiit peqataatinneqarnerunissartik kissaatigaat. Qangaaniilli kukkussutaasimasut uteqqissanngilagut.

5. Ataatsimiinnermit kingullermit malitseqartitsineq

5.1. Pilutami nutsernermi killiffik

Pilutami atuisut Ippiarsummut aamma Utoqqaat Illuanut nooreerput. Nutserneq ajunngilluinnartumik pivoq. Utoqqaat pillugit immikkoortortamit oqaatigineqarpoq atuisut siornatigornit pitsaanagerusumik atugassaqaalersimasut aamma Utoqqaat pillugit Immikkoortortaarfik pitsaasunik arlalinnik nalunaaruteqarfigineqarsimavoq.

COVID-19-ip kingunerisaanik killilersuinerit

Ulluunerani ornittakkanut nutserneq Covid-19 aamma inissat killeqarneri pillugit unamminarsimavoq. Aaqqiissutitut ulloq marlunngorlugu avinneqarpoq, taamaalilluni utoqqaat piffissami iluarinerusaminni aggernissaminnut periarfissaqartinneqarput.

Nerinermi ataatsimuualarneq utoqqaat ulluinnarni inuuneranni pingaaruteqarpoq. Tamanna pillugu siulliit nerinermik naggasertarpaat, tullii nerinermik aallartittarlutik. Taamaalillutik ataatsikkuungajallutik, avissaaqqallutilli nerisarpur. Tamanna innuttaasunit iluarisimaarneqarpoq.

Utoqqaat pillugit Siunnersuisooqatigiit misilittagaat.

Nutserneq naatsorsuutigisamit pitsaanageruvoq. Utoqqaat ilaat, nuunnginnerminni apeqqutissaminnut ersarissumik akineqarsimannngimmata, nuunnissaminnut toqqissisimanatik oqaluttuarsimapput. Kommunip assigiinngitsunik nalunaaruteqartarsimanera aamma nalorninermik pilersitsisimammat.

Utoqqaat peqatigiiffiat aamma Pilutap inaatai.

Maanna Kulturimut Sunngiffimmullu Immikkoortortaq Pilutamik aqutsisuuvoq. Utoqqaat peqatigiiffiata ilaasortai Pilutap aqunneqarnissaata aaqqissuunneqarnissaanut arlalinnik akineqarsimannngitsunik apeqqutissaqarput. Assersuutigalugu blok 10-mi iniusimasunik Utoqqaat peqatigiiffiat nammineq eqqiaasarsimavoq. Pilutarli annerungaatsiarpoq, Utoqqaat peqatigiiffiatu avatangiisini nutaani suliassaq taanna sapissangavaa.


Apeqqutit pingaaruteqartuupput, taakkulu akissutissaat kommunimit pissarsiariniarneqassaaq.

5.2. Innuttaasunut utoqqarnut paasissutissiilluni allakkat

Utoqqaat pillugit Siunnersuisooqatigiit allakkat paasissutissiissutit misissoqqaarusuppaat.

Akissuteqarnissamut killissarititaq: ulloq 15. decembari

6. Ataatsimiinnissat pillugit pilersaarutit



Utoqqaat pillugit Siunnersuisooqatigiit kommunimut qinersinissaq tulleg (apriili 2021) nallertinnagu minnerpaamik ataasiarlutik ataatsimiissapput.

Ataatsimiinneq pissaaq januaarip 20-anni 2021 nal. 13.00.

7. Utoqqaat pillugit Siunnersuisooqatigiinnik qinersineq

Tamanna pissaaq 2021-mi kommunimut qinersinerup kingorna, tassa kommunalbestyrelsinngortussap kissaatigippagu.

Imaassinnaasoq Utoqqaat pillugit Siunnersuisooqatigiit ataasiarlutik ataatsimeeqqissasut, tassanilu Utoqqaat pillugit Siunnersuisooqatigiit piffissamut atuuffigisimasaminnut naliliissapput kommunalbestyrelsimullu inassuteqaasiorluni eqqarsaatersuutigisallu ingerlateqqillugit.

8. Utoqqarnik paaqqinniffinnut pulaarneq

Utoqqaat pillugit Siunnersuisooqatigiit Nuummi Utoqqaat Illuannut pulaarnissartik kissaatigaat, Utoqqaat Illuat ukiut amerlanngitsut matuma siorna nutarterneqarnikummat.

Utoqqaat pillugit Immikkoortortaqarfiup piviusunngortinneqarnissaa isumagissavaa.

9. Allagarsiat digitaliusut

Digitalimik Allakkerineq atuutilersinneqarnissaanut suliniummik aqutsisunit pulaarneqarneq (Digitalimik Sullissinermut Aqutsisoqarfimmit).

Digitalimik Sullissinermut Aqutsisoqarfimmit suliniummik aqutsisut marluk digitalimik allakkerineq pillugu saqqummiillutillu Utoqqaat pillugit Siunnersuisooqatigiinnit apeqqutinik akissuteqarput.

Digitalimik allakkerinermut ikaarsaarneq paasiuminaassinnaasoq paasilluarneqarpoq. Innuttaasunut utoqqarnut NemID-mut, qarasaasiamut internetimullu isersinnaaneq nalinginnaasuunngilaq. Tamanna pillugu pisortanit digitalimik allakkerinermik atuutilersitsinermut atatillugu inatsimmi atuisuujunnaarsinnaanerup periarfissiissutigineqarnissaa siunniunneqarpoq. Taamaattorli sapinngisamik innuttaasut amerlanerit namminneq digitalimik allakkerivimminnut isersinnaalernissaat anguniagaavoq.

Digitalimik Sullissinermut Aqutsisoqarfiup innuttaasut ilaat atuisuujunnaarnissaminnut qinnuteqarsimannngitsut imaluunniit digitalimik allakkerivimminnik misissuineq ajortut eqqumaffigissavai. Taamaattorli innuttaasut tamanna namminneq akisussaaffigigaat erseqqissaatigineqarpoq.

Digitalimik Sullissinermut Aqutsisoqarfik digitalimik allakkerineq pillugu oqaloqatiginninnissaq saqqummiinissarlu siunertaralugu Kalaallit Nunaanni peqatigiiffinnut/suliffeqarfinnut angalasimavoq. Tamatuma saniatigut pisortani digitalimik allakkerineq pillugu paasititsiniaanissaq siunertaralugu ukioqatigiiaanut assigiinngitsunut naleqqussakkanik arlalinnik paasititsiniaanernik ingerlatsisoqarpoq.

10. Taasariaqartut allat

Soqanngilaq.

